

228574

成都工学院图书馆

卷〇三五 陳字

卷〇三五 陳字

卷〇三五 陳字

卷〇三五 陳字

永樂大典

四七



永樂大典卷之三千一百五十

九真

陳

陳規

宋史列傳陳規字元則密州安丘人明法科靖康末金人入

侵殺鎮海軍節度使劉延慶其徒祝進王在去為盜犯隨鄆復

等州規為安陸令以勤王兵赴汴至蔡州道梗而還會祝進攻德安府守

棄城遁父老請規攝守事規遣射士張立率兵討進却之既而在復與進

合以砲石鵝車攻城東規連戰敗之二人懼引衆去建炎元年除直龍圖

閣知德安府李孝義張世以步騎數萬薄城陽稱受詔招規登城視其營

壘曰此詐也亟為備夜半孝義兵圍城遂大敗之與群盜楊進相持十八

日進技窮以百人自衛抵濠上求和規出城與交臂語進感之折箭為誓

而去董平引衆窺城遣其黨李居正黃進入城求犒規斬進拔居正兵為

前鋒大破之升秘閣修撰尋除德安府復州漢陽軍鎮撫使賜三品服賊

升徽猷閣待制時桑仲剽略襄漢間其副霍明屯兵鄆上規請于朝就以

明守鄆張浚都督行蜀道仲引兵窺之為王彥所敗仲怒從數百騎來難

明。明殺之。奔劉豫。以書招規。規械其便以聞。李橫圍城。造天橋填濠。鼓譟臨城。規率軍民禦之。砲傷足。神色不變。圍急糧盡。出家財勞軍。士氣益振。橫遣人來。願得妓女罷軍。規不許。諸將曰。圍城七十日矣。以一婦活一城。不亦可乎。規竟不許。會濠橋陷。規以六十人持大槍自西門出。焚天橋。以大牛助之。須臾皆盡。橫拔砮去。并徽猷閣直學士。詔赴行在。改顯謨閣直學士。改知池州。沿江安撫使。入對。首言鎮撫使當罷。諸將跋扈。請用偏裨。以分其勢。上皆納之。遷龍圖閣直學士。改知廬州。尋又召赴行在。以疾辭。提舉江州太平觀。復起知德安府。坐失察吏職。錮兩官。金人歸河南地。改知順昌府。葺城壁。招流亡。立保伍。會劉錡領兵赴京留守。過郡境。規出迎。坐未定。傳金人已入京城。即告錡。城中有粟數萬斛。勉同爲死守計。相與登城。區畫。分命諸將守四門。且明斥候。募土人。鄉導間諜。布設祖單。金遊騎已薄城矣。既而金龍虎大王者。提重兵踵至。規躬擐甲胄。與騎巡城。督戰。用神臂弓射之。稍引退。復以步兵邀擊。溺于河者甚衆。規曰。敵志屢挫。必思出奇困我。不若潛兵斫營。使彼晝夜不得休。可養吾銳也。騎然之。果劫中其害。殲其兵甚衆。金人告急於兀朮。規大饗將士。酒半。問曰。兀朮擁精兵且至。策將安出。或謂今已累捷。宜乘勢全師而歸。規曰。朝廷養兵。寸

五年。正欲為緩急用。况屢挫其鋒。軍落稍振。規已分一死。進亦死。退亦死。不如進為忠也。錡叱諸將曰。府公文人。猶誓死守。况汝曹邪。蕪金營近三十里。元术來援。我軍一動。金人追及。老幼先亂。必至狼狽。不獨廢前功。致兩淮受擾。江浙震驚。平生報君。反成誤國。不如背城一戰。死中求生可也。已而元术至。親徇城責諸酋。用兵之失。衆跪曰。南兵非昔比。元术下令。晨飯府庭。且折箭為誓。并兵十餘萬攻城。自將鐵浮屠軍三千遊擊。規與錡行城。砲激諸將。流矢及衣。無懼色。軍殊死鬪。時方劇暑。規謂錡毋多出軍。第更隊易器。以逆制勞。茂不勝矣。每清晨輒堅壁不出。伺金兵暴烈。日中至木中。氣力疲。則城中兵爭奮。斬獲無算。元术宵遁。錡奏功。詔褒諭之。還樞密直學士。太平州團練。規奏功。上賜親詔曰。卿應制軍需。安存老幼。誠

作士歟。備凡勞勩。朕甚嘉之。更須勦力効錡。以濟國事。遷樞密直學士。規

至順昌。即廣羅粟。充實倉廩。會計議司移粟赴河上。規請以金帛代輸。至是得其用。成錡功者。食足故也。移知廬州。蕪淮西安撫。既至。疾作。有旨修郡城。規在告。吏抱文書入卧内。規力疾起。曰。帥事機宜。董之。郡城通判董之。語畢而卒。年七十。贈右正議大夫。有攻守方略傳于世。初。規守德安時。嘗條土營屯田事。宜欲倣古屯田之制。合射士民兵分地耕墾。軍士所屯。

之田皆相險隘立堡砦寇至則係聚捍禦無事則乘時田作射士皆分半以耕屯田民戶所營之田水田畝賦粳米一斗陸田賦麥豆各五升滿三年無通輸給爲永業流民自歸者以田還之凡屯田事營田司兼行營田事府縣官兼行皆不更置官吏條列以聞詔嘉獎之仍下其法於諸鎮自紹興以來文臣鎮撫便有威聲者惟規而已規端毅寡言然待人和易以忠義自許尤好賑施家無贏財嘗爲女求促婢得一婦甚閭雅性而詢之乃雲夢張貢士女也亂離夫死無所託鬻身求活規即輟女養嫁之聞者感泣規功名與諸將等而位不酬勞時共惜之乾道八年詔刻規德安守城錄頒天下爲諸守將法主廟德安賜額賢守追封忠利侯後加封智敏太平州團練使陳規其先密州安丘人少有大志刻意於學天文卜筮靡不通究年踰三十以新科明法出身初任隆德府法曹再調安陸縣令靖康元年詔諸道勤王規慨然曰此志士効死之秋也號召民兵感以義得數千人鼓行而前至上蔡遇潰兵蔽遮不得進勸兵還至應山會間僅聚黨縱火焚劫規與戰于市寇北而遁抵郡境民擁呼以迎就攝府事規首修堞壁礮戈矛備弓矢募民入寨常如寇至是時王在党忠嘯倚賴攻城無虛日規獎督將士連敗之事聞命即真爲守未幾張世擁衆五萬攻

城規選勇敢吏番出戰賊鋒屢挫散去流民入境計口給米全活不勝訖
超遷德安府復州漢陽軍鎮撫使李橫掠地過德安合圍百計攻城規冒
矢石登陴激寒飛抱傷足神色不動令居民伐鼓張幟助聲勢城中糧乏
得陳參屑之雜木皮爲屑與士卒同食人殊死守又設托竿以道餽車穴
地道以類寨柵橫敗而走城賴以全至於諭吳錫以全孝感之民誘霍明
以間來仲之衆招韓道以爲尉幾方壽以懲奸駕御操縱智略不窮劉豫
遣人持書招之規不啓封抵之地曰逆賊負國厚恩徇緒不食其餘吾恨
不礮汝以謝天下顧甘言啗我耶賊其人以書聞上壯之會朝廷議行止
田命諸郡守臣條上公請以兵爲農因農爲兵詔嘉之被旨赴在所既至
首奏乞罷鎮撫且言諸將權重請用偏裨分其勢因疾力請祠居當塗未
幾再被旨赴闕陸對詞旨明切當上意出知順昌府始至巡視城壁多摧
圯料丁立表周遭築堞不淹旬整備招集流移編立保伍百姓按堵後由
選調歷官至侍從常驅馳兵間凡死一生功名與諸大將等而位不至貴
顯公議惜之葬當塗青山北每歲春秋郡遣僚吏致祭乾道八年詔刻規
德安守城錄頒天下爲諸守將法且立廟德安賜額賢城追封忠利侯習
贊生而後歿保鄆千里漢而祖丘越到一考古所謂性張忠烈以父安所

以。沒而可勝於往者。非斯人歟。曠禁旅之崇。官有繼師之責。已旌其功。直於他時。建侯賜號。臣報其為民於其前。奮然無懼焉。可復加封。忠利知敵。勅士大經理。邊防嚴密。備兵。使後之。合視其故。習以成。封敵一方之功。其可不尸而祝之。杜而授之才。固守。安陸。當要衝。凡而城。操器具。靡不詳。虜至。敵。一方。預為。推所由。其。實。學。於。法。朕。既。以。汝。所。達。守。禦。方。略。得。便。庭。頒。行。於。諸。郡。復。加。封。爵。增。貢。廟。祀。無。明。雖。異。激。勸。則。一。其。朕。朕。會。終。漸。乃。民。可。邦。人。祝。之。尤。麗。云。宋。名。臣。言。行。錄。公。知。安。陸。祝。進。攻。德。安。守。臣。李。公。濟。道。父。老。請。公。攝。府。事。公。辟。進。士。安。陸。韓。之。美。及。寓。居。十。餘。人。為。屬。官。遣。射。士。張。立。率。民。兵。禦。進。却。之。人。心。稍。固。是。日。王。在。遣。人。持。檄。諭。公。開。門。公。不。答。朔。日。早。遊。騎。至。城。下。與。進。軍。合。又。朔。日。引。衆。攻。城。公。乃。遣。人。出。城。縱。火。佛。舍。與。民。屋。皆。盡。懼。其。賊。賊。也。在。又。以。砲。石。鳴。車。之。屬。進。攻。城。東。公。登。樓。問。之。曰。何。故。至。此。在。曰。京。城。已。破。我。等。皆。爭。門。而。出。所。以。至。此。德。安。人。聞。之。皆。墮。淚。蓋。時。未。知。虜。已。登。城。也。公。謂。此。皆。詭。辭。亂。語。叱。退。之。在。圍。城。十。有。七。日。而。去。公。在。郡。四。年。屢。破。群。盜。傍。郡。皆。失。守。惟。德。安。一。城。獨。存。藏。者。傳。其。能。然。嚴。刑。重。饒。人。或。以。此。疵。焉。言。近。以。群。賊。日。滋。府。司。遂。指。置。迎。道。被。虜。人。出。首。免。罪。給。公。憑。令。歸。鄉。并。嚴。禁。捕。盜。人。等。不。

得妄加損害。斯次據張世黨劾陳智等三百餘人。皆執本府文榜前來投首。已下諸路有盜賊州軍准此施行。從之。公奏本鎮屯營田畫一事。俾自中原失守。諸重鎮多失。惟公與群盜屢戰。自楊進之徒皆不能犯。由是德安獨存。牢城卒方壽等。嘗謀亂。公方會食。有告變者。公捕而詰之。問從謀者幾。壽曰。一城之軍。公之左右皆是。今夕舉事矣。公命誅壽。餘不問。一府皆服之。公以境內多官田荒田。乃倣古屯田之制。命射士民兵分地耕墾。其說以兵民不可並耕。故使各處一方軍士所屯之田。皆相其隙隘。立爲堡寨。寇至則相聚捍禦。無事則乘時田作。其射士皆分半以耕。屯田少增錢糧。官給牛種。收其租利。有急則雜罷之。使從軍。凡民戶所營之田。水田畝賦粟米一斗。陸井田賦麥豆各五升。滿二年無欠輸。給爲永業。流民自歸者。以田還之。凡屯田事。營田司無行。營田事。府縣官無行。皆不更置官吏。條制既具。乃聞于朝。詔嘉獎。明年下其法於諸鎮。使行之。初。桑仲旣爲霍明所殺。其將吏馳報李橫于鄧州。李道聞之。與橫共率兵縞素圍明于鄧州。攻之彌月。明半夜縋城石壁而下。順流至德安。公謂曰。神鎮撫也。汝爲其屬而殺之。如法何。當速訴于朝。以辨曲直。明乃去。公曰。仲明皆賊寇也。今兩亡矣。孝感關令久。公聞韓通在復州之朝中。召使爲尉。兼邑事。通

去縣十里。臨江築壘以捍賊。有告其謀及者。公曰。亂離以來。州郡不爲賊
破者。德安耳。孝感德安之喉襟。使吾無以制汝。則不汝付也。汝胡爲反。遣
叩頭請死。公曰。吾保汝。人言若是。復遣還邑。纔兩日。遽斬謀亂者數人。以
獻。公上其功于朝。命之以官。初。橫間明奔德安。聚衆圍德安。公登城諭之。
與和。仍送米百斛。橫受之。公請退兵。橫曰。襄陽兵至矣。無可議者。於城西
北隅造天橋。填濠皆畢。乃鼓衆臨城。公率軍民登城禦之。韓遁來告曰。孝
感有米百斛。路梗不能達。會大風雨。公乘勢呵殿而來。賊疑有神。卒不敢
擊。公求援於朝。未報。橫使人欲府之妓女而去。公不可。卒不與。守德安七
年。賊不能犯。召入朝。首乞罷鎮撫使。又言諸將跋扈。請用偏裨以分其勢。
上皆善之。知順昌得報。金人入東京。時新東京留守劉錡方送客。公以報
示錡。曰。吾軍有萬八千人。而輜重居半。且遠。來力不可支。乃見公問曰。事
急矣。城中有糧則能與公共守。公曰。有米數萬斛。錡曰。可矣。公亦力留錡
共守。及賞城守之勞。公曰。虜賊敗盟。臣倉皇措置。數日之間。守具畧
備。而劉錡將士每出每捷。致賊不敢逼近城。此皆錡功。臣何力焉。

陳剛中

紹興正論以登科記贊年縣。紹興正論程俱外制。長樂志。
周益公平園續善。續善集。剛中。字彥深。閩清縣人。祥

道之猶子。著禮書行於世者。剛中登建炎二年進士第。紹興元年。應詔上書得旨。改合入官。八年。監登聞鼓院。胡銓以直言謫昭州。建中不寒而栗。莫敢與立談者。剛中獨以啓賀之。曰。屈膝請和。知廟堂禦侮之無策。張膽論事。喜樞庭謀遠之有人。身爲南海之行。名若太山之重。又曰。知無不言。願請尚方之劍。不遇故去。聊乘下澤之車。秦檜大恨之。卜年有告訐者。謂剛中與張九成等。譏訕朝政。詔九成與外任。剛中送吏部。於是以九成知邵州。而剛中知穎州安遠縣。胡銓在新州。復剛中書云。中昨亦風聞足下亦見黜。而不得其詳。蒙諭乃知底裏。輒氣拂膺。古人固有求爲葦筍中人而不可得者。自可爲足下賀也。其相期蓋如此。剛中到官數月死。其妻禿髮爲尼。扶護還鄉。行路往往爲之出涕。剛中爲人豐肌便腹。骨不勝肉。而安遠地荒僻。瘴癘尤甚。汲水烹器中。須臾墨色。以故仕者多不得免。人固知剛中之必不生還也。悲夫。

陳璣

字國壽。建之建陽人。曾祖璉。贈奉直大夫。祖奉議。郎致仕。考

賓。贈右朝請郎。妣江氏太宜人。太宜人蚤寡。惟一子教之甚嚴。公亦自力於學。中建炎二年進士第。授左從事郎。洪州觀察推官。未赴。權建之崇安。

縣丞會金人入寇且渡江諸將不能守潰兵有入閩者人情恟恟縣令與諸佐官皆避之居民亦驚走公獨不動曰此官軍也當善待之既至犒勞供億率過其望帖然無敢譁又移文前路使備時以俟兵民舉安一路賴以無他事建陽弓手王延勝等嘯聚燒縣舍殺主簿官軍數不利使者專委公討捕公糾合民兵得千餘人迎戰于麻沙克之賊所酋掠子女數百悉放還其家以功特授左承奉郎公初未歷任雖一時守領而遇事已能如此監湖州梅溪鎮通判建康府連帥故執政彊明遇人察屬受成事惟謹公獨不苟從事有未安請問辨折詞順意焉帥每愾然從之公初不語人也大將張公以樞密使視師即建康治戰船欲以公提舉且曰事畢可轉六七官矣公以其間曲折所當議者非一而共事者皆難與語力辭不就張不樂數引它事相購譙公從容應答略不以介意既而張罷兵枋朝廷下有司考覈其軍中財用主者以委公謂公必不遺餘力公平心處之不爲己甚張始歎伏授福建路安撫司辟差參議官未赴丁太宜人憂服除知饒州歲大旱數賈翔踴民置於食公精意禱祠竭力賑濟時州縣不敢言災異公獨盡以實聞所屬弛租賦甚衆除廣南西路轉運判州尋知靜江府兼主管廣南西路經略安撫司公事靜江歲於屬縣科取林木以

供公庫。又以逃亡稅租均之保伍。至公始皆除之。宿逋之在民者一不取。而廩庫皆沛然有餘。蓋公所以理財者有道矣。非如世之以括克取辦也。召對。除直祕閣。知潭州。兼主管荆湖南路安撫司公事。未幾。改知廣州。方泰丞相當國。士人在謫籍者。雖其親舊不敢相誰何。傾險急進者。或窺伺中傷。以爲奇貨。公在嶺外。所謂護流人甚厚。監司郡守例獻羨餘。亦有過勉以避禍者。公獨未嘗獻也。其不爲時俗所移類如此。既召對。蓋將有所屬任。公議論復不合。廣州之除。非美意也。方侍闕間。而泰丞相薨。詔以公知湖州。未至。改兩浙轉運副使。公雖若足疾。而治事精明。如平時。然久廢朝謁。不自安。得請主管台州崇道觀。進直徽猷閣。以寵之。尋起知饒州。已而疾益侵。再得請以歸。以紹興二十八年五月丁卯終於家。年六十有二。積官至左朝散大夫。娶詹氏。翁氏。張氏。皆封宜人。五子。長燭。右修職郎。英州真陽縣主簿。奔公喪。死於路。煒。右修職郎。成都府路都鈐轄司幹辦公事。次煥。次煊。次煒。孫一人。坦。公安貌魁碩。質性莊重。於吏事尤精敏。牒訴案牘。一覽即得要領。至其細微委曲。皆洞見。吏不能欺。約束堅明。未嘗以平伍輩待。將至州縣。而事皆如期。其判決通滯。伸理冤結。戢姦革弊。所至皆可紀。故世率以吏事稱公。然公守正持重。不以進退得失爲意。其見義

必爲。爲必不可奪。使其進而立朝。豈苟然已哉。公之用於世。既不盡其才。而世之稱公者。亦未盡也。諸孤以三十年三月甲申。葬公于建陽之招賢里。鑒原。某嘗通判靜江府事。亦時相所不樂者。公獨相知。照輝以公行狀求請。銘義不得辭也。銘曰。利不苟就。害不苟避。時雖變遷。一斷于義。隨所試用。到則有聲。曾不一日。立於朝廷。才雖固然。知亦未易。我爲銘詩。以告史氏。汪公爲此銘十年矣。輝屬校書而立於墓。淳熙三年。十有二月。始克書之。承事郎。權發遣靜江府。主管廣西路經略安撫司公事。張栻記。予戊戌歲來寓安國精舍。索居荒陋。懼不聞其過。嘗記晦菴爲予言。陳候官之爲人。既接而情益親。因得見其先微猷墓志。留臺蓋玉山公之文。而書之者南軒也。其文足信。其書足敬。所以能致文若書者。其父子之賢可知已。東導鄭鑑謹跋。秦丞相用陳公爲淮西帥。蓋將付以邊事。公以其意叵測。力辭不就。頃年。公再罷。當陽。熹見公考亭私第。公爲熹言此甚詳。今不能盡記其曲折也。淳熙辛丑中冬乙亥。因觀汪公所撰志銘。書此以補其闕。時汪公薨已七年。而敬夫明仲亦已下世。令人悲慨之深。新安朱熹。

書公孫

以藏。

陳彥弼

建安志陳彥弼字敏求浦城人以詞賦補太學生霍端友榜擢進士第調無錫尉繼為婺州教官改宣教郎授漳州

蔡判秩滿得湖南提舉司幹官除國子博士終任出倅西全州攝郡事後因知西全州建炎中奉祠終老于家積官至朝散大夫

陳才輔

夷堅志建炎末建賊范汝為葉鐵葉亮作亂建陽士人陳才輔集鄉兵殺葉鐵父母妻子賊倡倣益甚紹興元年遂

據郡城朝廷命提舉詹時升奉使謝鬻同招安郡盜皆聽命獨葉鐵不肯曰必報陳才輔乃可出詹為立重賞擒獲以畀之鐵還三十輩監守人與

鐵一千成之甚至曰夫去則皆斬欲明日選使者及諸酋高會而甘心焉監者以巨索縛陳脚倒垂梁間大竹蔑萃其手劒戟成林相近尺許重一

刀甚利至二更衆皆醉陳默禱曰才輔本心忠孝為國為民老母在堂豈當身受屠害若神明有知願使此曹無瞋刀自近前為破索出手使得脫

去良久刀果自前如神物堆擁陳以掌就斷其蔑兩手既釋稍扳援割截繫縛盡斷遂握刀趨門一人睡中問誰開門應曰我其人不知為陳也曰

不要失却賊陳曰如此執縛何足慮及出門已三鼓行穿後巷約一里聞彼處喧呼曰走了賊陳益竄顧路旁坎下望竹蒙翳急藏其間而千炬齊

發搜尋殆遍坎中亦下捨月百十偶無所傷諸人言必歸建陽或向劍浦
宜分詣兩道把截陳不敢擇徑路但屈曲穿林莽中明日抵福州古田境
賣所持刀得錢買飯直趨泉州就其姊婿黃秀才踰八日而十卒持磨若
帖至復成擒陳知不免亟自碎鼻以血汙身佯若且死于辛自相尤曰奈
何使至此扛置邸中真以為困悴不復防閑又三日黃生來視適茶商置
酒招黃及十人者商家相去稍遠唯七人往赴留三人護守陳又默禱如
曩時三人皆飲所餉酒亦醉買菜作羹坐房前一吹火竈間一洗菜水
畔陳乘間携棍棒揮擊即死南走漳州竟得脫明年韓斬王平賊陳用前功得官
陳瀧 蘇州志陳瀧字伯雨五世祖以下自濟居返紹興初始家于房
瀧博涉經史百氏最深於春秋晉書鄉薦漕試皆不第放浪山
水僦僕有晉人風致從周獨馮去非為詩有浚泊集九卷凡四百餘首晚
號碧澗翁子鐸字子振鐸字子駁能世其業瀧與湯仲友高常顧逢皆端
淳名士同郡陳發常評癰鵠高樓梅清澗幽為四詩之趣發于
永輯為一編名曰蘇臺四妙發字伯和所居號竹溪永字子久

陳景肅

清漳志陳景肅漳浦人師事東溪有學行登紹興第官至
朝議大夫知南恩州子鐸孫植皆以恩補官婚黃克寬以

公傳表質登極恩
補官繼登戎辰第

陳序

京口舊傳陳序字彥有允之兄子不事科舉而工於詩一時鄉曲蘇君庠譚少卿如柔以能詩聞序皆與之游娶冠氏實萊

公準之裔紹興初思澶潤之功錄準後無在者補序封州文學部注楚州實應尉以邊事方殷罷文吏之為邊尉者改監行在權貨務都茶場門任滴監行在惠民局繼任編估局紹興二十五年春兼權詳定一司初令所刪定官滿歲為真改秩簽書保寧軍節度判官所公事卒自號碧巖居士有詩集

陳之茂

無錫志宋陳之茂字卓卿無錫人宣和初入太學紹興二年與張九成同登進士第建對忤權臣黜之九成叩頭殿

廷曰臣之學不如之茂臣不當得之茂能言人之所不敢言宜獎不宜黜上覽對悚然曰忠言也賜之茂同進士出身調休寧尉樞密王倫推其賢召見除秘書郎累遷至知平江府以資相魏公舉陞直顯謨閣知建康隆興兩府丞相洪公復薦召對權吏部侍郎兼中書舍人直學士院終之茂稟性剛果立志英特議論宏遠深識治體壽皇初銳意天下察方正特立之士期致事功每深器待時倚大用及其沒縉紳惜之為詩清勁袁九

有法弟之淵字宗卿。習左氏春秋。與兄之茂同入太學。時號二陳。復聯中張九成榜。授臨安府推秘書正字。後爲湖南運使。召還。與兄之茂同爲吏部郎中。朝士榮之。終秘書閣修撰。知宣州。爲人淵源溫粹。識度冲曠。文尤典綢。立朝淮官。不治貲產。澹泊自如。未嘗以名位矜驕。人服其厚德。

陳充

宋汪藻字溪集。右中奉大夫直徽猷閣。知漳州。陳君墓誌銘。君諱充。字景淵。姓陳氏。世家閩中。昭陵宰相文惠公亮佐之。曾孫

文惠事其國史。主述古。爲正議大夫。贈少師。於君爲祖。生知祥。爲朝奉大夫。知德州。贈宣奉大夫。於君爲父。君少英發。機警。方事紛糶。諸老生未能言之。時已洞然。了其微處。及出諸人皆厭服。以父任爲陳州商水縣尉。知隆德府潞城縣。縣胥爲姦利。持前令短長告郡。郡守惑之。君調護。令使善去。而寘胥於法。聞者快之。以親嫌移滑州韋城縣。改宣教郎。通判常州。益發青谿。兩西諸郡皆震。常當其衝。君親屬夫增。彈濬隄。盜知有備。不敢犯。宣撫司上其狀。遷承議郎。坐小法免。起主管西外宗室財用。提舉福建路市舶。通判太原府。漳州皆不赴。尋通判泗州。時金人寇京師。泗居東南咽喉地。郵傳不通者百餘日。盜王嗣擁衆數萬。將及城。君白守牧民入堡。民玩安。不知兵。金人君舍謀爲亂。君正色折之。衆遂巡引去。而圍亦解。頃之。